

## A MÁCCIA RI NUCI

Cci vaiju  
r'ogni ttantu a-bbirilla  
nnê funna râ ciana  
virdhi ri virdhi ...bbbèll...laaa ! – ssa màccia ri nuci  
ca inci na ciusa  
e ntuppa ri sutta la casa.

Iu ...mi pari na testa  
a testa ri ddh'uòmminu ranni  
na vita ccà-mmienzu  
bbonarma  
ca gn'juornu – nti sta terra – a ciantàu

Èni...na testa ca penza  
parra cchê trona... cchê lampi...ccô vientu  
cianci ccu-ll'acqua ca ciovi  
rriri...ccô sulì ca rriri.  
A-ucedha  
sunu i pinzèra ri tannu ca sbùccunu 'i fora  
migghiàra...na nèghia  
cu lassa cu pigghia  
cu nesci... gghira...e-ppuoi torna ...nto niru

Iu criru  
ca 'i r'intra cc'è m-maistru ri scola  
ca i ciama  
i cumanna a-ccantari...a-bbulari  
i figghi cciâ-ddiva e cci civa  
e i mmasuna ntê nira...a ccuvari.

E ri sira – fantàsima ! – nta-ll'uocci ri suonnu  
sutt'ò tettu na luci  
e ntò piettu - viru - c'ancora s'addhuma  
e n'umm'ra ranni – abbuccatedha – ntò muru  
lientu u passu ca ô liettu cunnuci  
u tascu pusatu  
na scarpa ...cari  
l'âtrha – aruci – ô cantu s'appoiija  
e stuta ... sssssc...sciù ò scuru  
u lumi a-ppitròliu.